

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لاق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱-۸

۲۴ مایس ۱۳۲۸

پنجشنبه

۲۰ جاذی الاخر ۱۳۳۰

عدد ۱۴-۱۹۶

ابن ابی اصیبعه طرفدن مشارالیهک مؤلفاتنه دائر ویریلان معلوته نظرا دو قوز قدر تألیف کزینی اولدینی تعین ایدیورسهده کشف الظنون صاحبی ابن اصیبعهک جدولنه علام واسباب امراضدن باحث برکتاب دهها علاوه ایتکدهدر .

سعید نشر آئاردن زیاده تدریساتله مشغول اولمشدر . درسخانه فیاضنده یتیشان ذوات میاننده یک چوق اعظم اسملرینه تصادف اولنیور . هبةاللهک دست تربیتده انکشاف ایدن بویوک دماغلردن ابن جزله ، امین الدوله ، ابوالبرکات کبی مشاهیری تعداد ایده بیلیرز .

سعید ، هجرتک ۴۳۶ نجی سنهسنده مهد آرای عالم ناسوت اولمش و ۴۹۵ تاریخنده جهان فانیه ابدیاً وداع ایلمشدر .
آثار مشهورهسی روجه آتیدر :

۱ - المغنی فی الطب

۲ - التلخیص النظامی

۳ - مقالة فی صفات ترکیب الادویه

۴ - مقالة فی ذکر الحدود والفروق

۵ - جواب عن مسائل طیبة

۶ - کتاب خلق الانسان

۷ - الاقناع

۸ - کتاب فی البرقان

۹ - مقالة فی تحدید مبادئ الاقاویل المملفوظ بها وتعدیدها

سعید ، ساعات حیاتی تعلیم و تدریسه حصر ایتمش اولدیغندن فضیلت علمیهسیله مناسب آثار نشر وتالیفنه وقت بوله ماممشدر .

مشارالیهک قدرت علمیهسی مؤلفات موجودهسندن استدلال اولمق ایسته نیلورسه دوچار خطا اولماق ممکن اوله من . چونکه بو بیوک داهینک قدرت علمیهسنی بحق تقدیر ایتدیرهک بیوک برکتابی یوقدر . تلیذلرینک یازدقلری آثاره نظر آدرکه سعیدک پایه بلد عرفانه قارش حیرتله مزوج ستایشلر ایدیورز .

اساساً سعیدی اخلافه طانتدیران اثرلردن زیاده یتشددیردیکی معروف سیالردر .

مدالی اعدادیسی مدیری

شمس الدین

اجتماع عیسی

فهمینیزم مسئلهسی

— ۲ —

بزرده نایوره فصل نوره دی؟

بزدن بر جمعیت علمیهک وجودینی فرض ایدیکز ! قورقیکز ! وبالی - امنای امت قبول ایتزسه - بنم بویمه اولسون . مثلاً :

بو غیور ، بو حامی شریعت ، بو ناشر انوار دیانت جمعیت موطن مغصوبه اسلامیهدن قافقاسیا ، قریم ، جزایر ... کشورلردن برینه کیدوب اطفال مسلمین نامنه صرف بر مکتب کشادینه تشبث ایدیور . عجباً موفق اولا بیلیرلرمی ؟ موفقیتیمی دیدیکز ؟ ایشته بو قورقونج فرض وتحلیک وبالنه قاتلانهمام . چونکه موقوفیت ، طرد و اخراج محقق . اولا اوراده بر هیئت معظمه رهبانیه وار . بو هیئت او یوماز . اوله قهوه لرده مصطبه نشین عطالت اولاراق آسمنکه ، او یوقلامقله ، بی سود لقلیات ایله امنای امت ، نکهبان دیانت کچیمز . بویه بر جمعیت علمیهک کلدیکنی هرکسندن اول او خبر آلیز . برکین و پر غضب کلیسالره قوشار . مدهش جانلره صاریلاراق مملکتی صاغیر ایدر . اهالییه میتینغلر بایدیریر . حکومت پروتستولر یاغدیریر . آرتق جمعیت علمیه اولسونده اوراده بر دقیقه توقف ایده بیلسین ! بدبخت اسلامیت ! ایشته شوراجقده بورنمک دینده دها دونکی بولغارستان بوتون معنای جکرسوزیله زواللی بیچاره مسلمان کویلرنده مکتبلریمزی بی محابا سد ایدرک یرلرینه بولغار مکتبلری آچپور . قرآن کریم ، علم حال بیهل اوقوتیمور . قارا یازی مسلمان چوجقلرینی عادتاً جبراً وقهر آنصرانته ، ارتداده سوروکلیور . صوکراده ماکیدونیاده ، ممالک عثمانیهده کمال فعالیتله چالیشمقده ، سرعت برقیه ایله ترقی ایتکده اولان او محتشم بولغار مکتبلری ، اومعظم بولغاردارالمنونلری ایچین « تورکیا مکتبلریمزی سد ایدیور ؛ بولغار عنصرینی تورکلشدیرمکه چالیشیور ؟ ! » دییه شیطانلرک بیهل خاطر وخیالنه کلیهک افترالرله یاغارالر ، قیامتله قوپارییور .

یوزنجی عصر انسانیتک وحشی انکنزیسیون او قانلی چهرهسنی ساخته بر نقاب مدنیت آلتنده کیزلیهرک دیلسز ، کوزسز ، سلاحسز ، حامیسز اسلامیه بوتون غیظ عقورانهسیله صالدرمقده ، پارالامقده دوام ایدوب کیدیور .

اوکندی نقطه نظرینجه یک بیوک ، اک مقدس بر وظیفه ایفا ایدیور . دیورکه : « بر مات بر عائله در . وطنیه اونک - اشتراک قبول ایتز ! - خانه سیدر . اونک ایچنده - ولو وهما - حیانتک تهلکهده قالدیغنی کورمک ایسته من . حیاتی تهدید ایدن بابانجی بر عنصردن تک بر فردک بیهل بولونمنسه رضا وموافقتی اتحار ، جنت عد ایدر . بناء علیه عائلهسی خلقی ایچنده کی مضر عنصرلری شو اوچ تدبیردن بریه مطلقا یوق ایدر : دینی تبدیل صورتیله روحنی بلع . اولامازسه طرد ، بوده اولامدینی حالد مزاره کومر ! ایشته اونک نقطه نظری ! ایشته اونک بر حرفی بیهل تبدیل وتغیر ایتهمکه حضور صلیبه دیز چوکهک ایتدیکی یمنی ! عهد وميثاقی ! یمن ایدرم ، که اگر اسلامیت الله دینی ، حق یولی اولماسهیدی دها قرون وسطاده طوفان داغالری کبی اوزرینه ییغیلوب کلن پاپا اردولرینه ، صلیب یانار داغلرینه بر قلیچ ارسلانله ، بر صلاح الدین ایوبی ایله ممکن دکل مقاومت ایدمن ، محو اولور بیتدی .

دیگه ر . مسئله پدرینه عکس ایدر . عثمانلی سینیوری چوجنی
چاغیریر ؛ استنطاقه باشلار :

— بردها مکتبه کیمه یه جکنی مادام سوبلدی ، سبی ؟ ..

— قطعاً بك بابا قطعاً !

— سببی صوریورم ؛ نیچین ؟

— (شدله آغلایارق) بی خرستیان یایمق ایستیور سه کز

بواشکنجه یه نه حاجت ! کایسایه کوتورک ! حضور کزده رسماً واقیز
ایتدیروب اسمی دیکشیدیک ، اولسون بیتسین !

نسائیون بکله رجا ایدریم ؛ سوبله سینلر ؟ انسانی حیواندن

تفریق ایدن مزیت نهدر ؟ حقیقت نهدر ؟ بداهت نهدر ؟ بومدهش
جنایت نهدر ؟

برانسان تولدورولیر . قاتل یا اعدام یا خود اونی بوشنه کور که قونولیر .

نیچین ؟ مقتول ایچین ایتسه او بردها ابدیاً عودت ایتمه مک اوزره کیتدی .

قاتلک اعدامیه حیاتی آلتوب مقتوله ویریلز . بونده قوجه برملتک
مقدس اولان حیاتی صیانت وظیفه مهمه سی واردر .

(قصاصده سزک ایچین حیات واردر) دستور قرائسی بوبلیغ

حکمتی ناطقدر .

حالبوکه بومعصومک تحصیل معرفت ، اکتساب انوار مدنیت نامنه

قاتولک میسیونه رینه تسلیمی ، تنصره ، ارتداده ترکی اوزواللی یی

یاتیروب قوزو کبی بوغازلامقدن بیک قات خون خوارانه ، بیک قات

وحشیانه برجنایتدر . چوجق ثلوب مزاره کیرمیور ؛ بلکه روحی

تولدیریلیور ، وجودی اومقتوله جانلی برمزار اوایور . انسانک

حقیقی روحی دیانت واونک عطف مرادفی اولان ملیتی در . ملیت بر

شجره در . افراد ملتده اونک یمشیریدر .

شجره ملیت یاشادیقجه اثماری متوالی ولاینقطعدر . فقط اوشجره

کوکنندن بالطلالانجه نه دال قالیر ، نه بوداق ؛ نه یپراق ، نه یمش . انصاف

ایده لم ! بو ، اوقدر نظری بر فلسفه دکلدیر . آه ... انسان بوهول

انکیز محاوره یی کوز ثونه کتیرنجه صانکه بینی اوستنده یوز بیک

سیلدیریم بردن باطلا یور . روحی بولاغر ، بو بوناق وجود بشریت

نقرتلر یاغدیریور . قاچاقچا ییر آرایور .

شمدی سکز یاشنده کی بر معصومک ملهم اولدیغی شو بویوک

سوزلرینه ، شو حکیمانه جوابنه باقیسکز ! بوملزم ، بو مسکت انطاق

حقه مظهریت چوجغک نه علوی بر روجه ، نه آتشین بر ذکایه

مالک اولدیغنه شهادت ایدر .

پدرینک بو بلیغ الزام وافحامدن نه قدر خجیل ، نه قدر ذلیل

اولدیغیمی صورمق ایستیورسکز ؛ اوراسنی بیلمم . شو قدر دیرم که

اگر بو حریفده عقل نامنه بر ذره جکی اولایدی ذاتاً جکر پاره سنی ،

خیر الحلفی کندی الیه کوتوروبده جلاد ملیته تسلیم ایتزدی . بو

زواللی دلیدن زیاده بیک قات زیاده شایان مرحت ! چونکه دلی به عقلی

سز انکلتیریه قدر زحمت ایدیکزده جناب صلاح الدینک شمشیرندن
صاچیلان سیلدیرملردن فصل تیلکی کبی قاچدیغنی (ارسلان یورکلی !)
شارلک مزارندن صوروکز ! اوراده (صلاح المله والدین) ک نام جلادت
وعظمتی ده یاد ایدرکن مزارک تیزمه مک باشلادیغنی کوره جکسکز .

سنی ای دین حق تقدیر ایدن وجدان آزددر آز .

یوزک زیر نقابکدن کورن چشمان آزددر آز .

اصل حیرت بویکم صورنده هرکس ابن آدمدر

حقیقتده فقط مطلوب اولان انسان آزددر آز .

کورورسک مصحفک حفاظتی عالمده پک چوقدر

ولکن اشنای معنی قرآن آزددر آز

جهالتدر جهالت آدمی تبعید ایدن حقندن

اوکا لازم اولان کنجینه عرفان آزددر آز

بوتقسیم ازل آلوده اسرار حکمتدر

بودرک بشر فوقنده قالمش برمشیتدر

نه حیرت ، نه غرابت ، نه مصیبتدر ، که بز مسلمانلرده حال بونک
— تماماً دکل ، بلکه — مضاعفاً عکسنه : بزده میسیونر دینیلن انسان
قیافلی بواسلامیت و انسانیت دشمنلرینه خانه وطنک قایلیری آزدینه
قادر آچیلیر ! قدوملری شرفه ازهار تعظیبات و تکریمات عرض
وتقدیم قیلیر . قارا طالعی یاوروجقلر بالذات پدرلری طرفندن
کوتوروله رک بروضعیت مستمندانه ایله او وجدان وادراک صیادلرینه
تسلیم اولونور .

بونلر او یادکارلردر ، که کندی محیطلری ایچنده ، کندی جماعتلری
آراسنده یایمقدن فحش و رذالت برافیدیلر . نهایت فرانسه حکومتی
بونلری مملکتدن طرد و اخراجده مضطر قالدی . حتی پاپایی
معبود اعظم درجه سنده صایان اسپانیایلر بیله بوشیاطین مرثیه دن ،
بونلرک خاطر و خیاله کلدک مفسدت و ملعتلرندن یاقا سیلکدیلر
و فرانسه یی تقلیده مجبور اولدیلر . ایشته بزده مدنیت ، ترقی و تکامل
نامنه برامداد غیبی درجه سنده مظهر توقیر اولان ، دینداشلرندن
یوز بولامایان ، کندی مملکتلرندن قوغولان سیلدیر شایقه لی ،
آلتون صلیبی ، اوزون طیرناقلی پاپا اولادلری حقنده ؛ دیننه ، وطنه ،
ملیتنه آتشین بر سودا ایله مربوط بولنان فاضل برمتفکر ، حقیقی
برمؤمن کال تأثرله آکلاتیور :

میسیونر دارالندوه لرینه دوام ایدن بدبخت چوجقلریمزدن سکز
یاشلرنده بری مکتب کلیسا سینه کیرمکدن و — حاشا ! — جناب مسیح
(علیه الصلاة والسلام) افندیغ نام معصومه مرکوز هیکلک ایاغنی
توبمکدن امتناع و امتناعنده کمال شدت و فرط استکراه و نفرتله اصرار
ایدر . میسیونر قیزار . چوجنی اذنسز براقیر . چوجق صنف
باشیسندن سببی صورار . حرکت واقعه سندن طولایی جزایه محکوم
اولدیغی جوانی آلیر . برتقریب اورادن صیویشیر ، نهوینه کلیر .
مکتبه بردها کیمیه جکنی واکریدری اجبار ایدر سه اطاعت ایتیه جکنی
هیچقره هیچقره اغلایارق سسویار . والده سی صورار ؛ ماجرای

وداع ایتش . بوزرب مخلوق ایسه لزوم و احتیاج کورمه مش ، عقانه یول ویرمش . جنتی حده کیش ، خصمنی قوغمش !
هیچ یاشاری بویه ملیت ، اولوری پایداری ؟
ملکت افرادی تدربجا ایدرکن اتخار .

وجدان سلیم دییورکه : اولاً بومیسیونه لرله وطنم زده مکتب انشاسنه قطعاً مساعده اولونیه جقدی . بو ، برنجی جنایت . بونک و خامت انجمنی زماننک علماسی دریش ایدرک میدان حیثه آتیلجق و مدارسک اصلاحی حکومتدن ایستیه جقدی . ثبوت ، ثبوت : اورو- پادن جلب اولونان معلمار طلبه علومک اک زکی ، اک فعال دماغلرینی قارشیلرنده بولاجقلر و فنون جدیدینی اونلره تدریس ایده جکلردی . بونلرده مکاتب اسلامییه نك اصلاح و تکثیرینه باشلایه جقلر ، اولاد وطنک حقیقی مرپیلری ، محترم خواجهلری ، ولی النعمت ادراک و عرفانلری اولاجقلردی . مدرسه لر مکمل برردارالمعلمین ، برر محترم دارالفنون شکانی آلا جقدی . معارف نظارتی باب مشیختک برشعبه سی اولاجق ، ابتدائی ، رشدی ، اعدادی ، عالی بوتون صنوف معلمینی اورادن ایستیه جک ، احتیاجی مدارس اسلامییه دن تأمین ایده جقدی . وجود شریعتک دماغی اولمق ادعاسنده بولونانلر دائماً استقباله کیدن بشریتک حیاتی تجدد و ترقیدن ، تکامل و تعالیدن عبارت اولدیغنی دوشونه جکلر . بر چو خنک ایلک طوغدیغنی کونده کی بسیط وایکی قطره سوددن عبارت اولان احتیاج حیاتیله یکریمی سه نه صوکر کی بیغین بیغین احتیاجات متنوعه سنک بر اولمدیغنی و بونک تأمین ایچین بویوک برجدال سعی و عمل میداننه آتیلحق مجبوریته قطعیه سی تقدیر ایده جکلردی . اللهک ، عبادی اوزرینه نکهبانلری ، قنادرینی کرمش ملک الصیانه لری ، مرپیلری ، مرشدلری اولدقلرینی فعلاً کوس- ستره جکلر و امتی کندیلرینه منتدار ایده جکلردی .

« العلماء امانا الله على خلقه » حدیث جلیل الشاننک معنای منیفی نو دیمک دکلسه نهدر ؟ الله ؛ عبادینک نه سنی علمایه امانت ایدیور ؟ یالسکر نکاحنی ، طلاقنی ، جنازه سنک مراسم تدفینیمی ؟ شریعت بر صفتدر ؛ موصوف ایله قائمدر . متشرع اولمازسه شریعت قالیرمی ؟ میسیو- نه لر کلیر ، بی پرواچو جقلریمزک وجداتی زهرلرلرسه شریعتی سینه سنده طاشیاجق ، آتی استقباله کوتوره جک ، یاشاتا جق کیم قالیر ؟ قوردلر ایچیزه دالمش ، دیشیلی ارککللی قوبونلری قوزیلریله برابر متصل قابوب دوریورلر . قوبونلر دائماً آلامقده ، ا کس- یلمکده . قرق سنه اول جامعلرده صفوف جماعت نه قدردی ، شمعی نه قدر ؟ چوبانلق بویه قوبونلری قوردلره قایدیر مقمیدر ؟ امانت بویه می محافظه اولونور ؟ امانته - خصوصیه بویه بر امانت کبرایه - خیانتک ، ضیاعک جزاسی « ان کننا نؤمن بالله والیوم الآخر وما فیہ - بین یدی الله تعالی - من دقة الحساب - ثم لا جرمین - الذین خانوا الله ورسوله باضاعة الامانة الکبری و هل هی الا لدین والشریعة - من شدة العذاب » نهدر ؟ ضیاعی حالنده قانونه قارشى مسئول اولمق ، تمیز بر و تکذیر کورمک ، حبس اولونمق

قورقوسندن دنیا امانتی اوزرینه کوزلریمزى فال طاشی کی آچار وکال اعتنا واهتمام ایله محافظه سنه چایشیرز دکلکی ؟ فقط مسئولیتی آجل ، اخروی امانته کلنجه ایش دکیشر . نظرلرده اهمیت ، قیلرده اندیشه سی ، قورقوی آزالیر . مقتضای ایمان - بالله والیوم الآخر - بومیدر ؟
« يستخفون من الناس ولا يستخفون من الله وهو معهم اذ یبتون ما لا یرضی من القول . وکان الله بما یعملون محیطاً - ارباب خیانت ، دوچار خجالت و رذالت اولمق ، مسئول طوتولمق و مجازات کورمک قورقوسیه انسانلردن کیزلیمک ، خیانتلرینی ثورت باص ایتیمک چالیشیرلرده اللهدن اوتانمازلر . قهر و غضبندن هیچده قورقمازلر . حالبو ، که الله اونلره برابردر . کندیلرینه شاخ دامارلرندن ده ا یقیندر . کویا ستره خیانت ، دلیل برائت و معصومیتلری اولمق اوزره اللهک قطعاً راضی اولمدیغنی یالانلری اویدورور ، عالمه افتزالر ، بهتانلر ایجاد ایدرکن الله اونلری کوریور ، ایشیدیور . اللهک تناهی شانندن مزه و متعالی اولان علم ازلیسی اونلرک بوتون اعمال و افعال جنایه لرینی محیطدر . بر ذره غیب اولماز و اولماز . سورة جلیله نساء . آیت ۱۰۸ . »

بز صبرتمیزه یوکلندیکمز بوامانت کبرانی محافظه ایتدک . بوملکت حیات طیبیه دینه و ملیه سنی دین و شریعتیمزک الهمدهش دشمنلری اولان پاپاسلره ، میسیونه لرله ، مرپیلره ، مرپیه لره براققدق . عظیم جنایت ایشلدک . شو حالده باری متسمملره قارشى اوقادار غضوبانه و متهورانه چیقیشمیه لم . خیانتک هپسنى اونلره اسناد و تحمیله ، کندیمزى سریر معصومیه چیقارمغه چالیشمیه لم . جنایتی آرامزده تقسیم ایده لم . برریمزه یاقلاشالم . مصافحه ایده لم . باریشمغه ، اتحاده سعی و غیرت ایده لم . البته اونلرده انساندر . اونلرده بوملکت افرادی ، بو سوکیلی مادر وطنک اولادیدر . کونشه قارشى الی الابد کوز یومماق ، صدای حق و حقیقته قولاق طیقماق ایچین میسیونه لرله ناموسلری اوزرینه سوز ویرمیدیلریا ! امین اولالم ، که بو مملکتک سلامتی ایشته بویکی عنصرک باریشمه سنه ، مصافحه سنه ، اتحادینه باقیور . یکدیگرینی دبنسزلکله ، تعصبه ، کهنه پرستلکله اتهامدن واز کچدکلری دقیقه بو مقدس وطن ایچین بر عید اکبر انقلاب اولاجقدر . یارب ! بزه اومسعود دقیقه یی کوستره جکسک دکلکی ؟ « لاتقنطوا من رحمة الله ! »

محمد فخرالدین

الکتابیات

طرابلس غرب مجاهدینک پیشوای معظمی شیخ سنوسی

کبیر حضر تلرینه

ای عنصر جیبیک بردر شاهواری سنسک بوکون شعاعی انظار ابتصارک سندن طوغارسه چوقی انجم قدر معالی یارمش افقری هب سیف قضا مدارک دونه اوسیف خاتم شهره عدل خندن فرق الرؤس او شعله بر نجم هاله دارک